

**Қазақстан Республикасының Үкіметі мен Вьетнам Социалистік Республикасының Үкіметі арасындағы Инвестицияларды көтермелеу және өзара қорғау туралы келісім**

**(2014 жылғы 7 сәуірде құшіне енді - Қазақстан Республикасының халықаралық шарттары бюллетені, 2014 ж., № 2, 14-құжат)**

Қазақстан Республикасының Үкіметі мен Вьетнам Социалистік Республикасының Үкіметі (бұдан әрі - Уағдаласуши Тараптар),

өзара экономикалық ынтымақтастықты дамыту үшін және атап айтқанда, бір Уағдаласуши Тараптың инвесторларының екінші Уағдаласуши Тарап аумағындағы инвестициялары үшін қолайлы жағдайлар жасауға ниет білдіре отырып;

осындай инвестицияларды көтермелеу мен өзара қорғау Уағдаласуши Тараптардағы іскерлік бастаманы ынталандыруға және әл-ауқаттың өсуіне ықпал ететінін мойындей отырып;

төмендегілер туралы келісті:

## **1-бап**

### **Анықтамалар**

Осы Келісімнің мақсаты үшін:

1. «Инвестициялар» термині бір Уағдаласуши Тараптың инвесторлары екінші Уағдаласуши Тарап мемлекеттің ұлттық заңнамасына сәйкес соңғы Уағдаласуши Тараптың аумағына салатын активтердің барлық түрлерін білдіреді және мыналардан тұратын немесе мынадай:

а) қатысу үлестері, акциялар мен жарғылық капиталға қатысудың басқа нысандары, сондай-ақ облигациялар, борыштық міндеттемелер мен борыштық мүдделердің басқа да нысандары, басқа борыштар мен кредиттер, Уағдаласуши Тараптың кез келген инвесторы шығарған бағалы қағаздар;

б) ақша талаптары, қандай да бір басқа активтер бойынша талаптар, экономикалық құндылығы бар келісімшартты орындау талаптары;

с) авторлық құқықтарды, тауар белгілерін, патенттерді, өнеркәсіп үлгілерін, модельдерді және техникалық процестерді, ноу-хауды, сауда құпияларын, фирмалық атаулар мен гудвилді қоса алғанда, зияткерлік мешік құқықтары;

д) ұлттық заңнамаға, шартқа сәйкес немесе ұлттық заңнамаға сәйкес берілген лицензияларға немесе рұқсаттарға орай кез келген құқықтар, оның ішінде табиғи қазбаларды барлау, игеру, өндіру және пайдалану құқықтар;

е) кез келген басқа материалдық және материалдық емес, жылжымалы және жылжымайтын мүлік, сондай-ақ онымен байланысты кез келген мүліктік құқықтар, мысалы жалға, ипотекаға, кепілге және кепілгерлікке беру құқығы нысанындағы активтерді өзіне қамтиды.

Алайда, «инвестициялар» термині тек қана мыналардан туындастын ақшалай талаптарды білдірмейді:

ф) резиденттің немесе кәсіпорынның бір Тарап аумағындағы тауарлар мен қызметтерді екінші Уағдаласуши Тарап аумағындағы кәсіпорынға сатуға коммерциялық келісімшарттардан; немесе

г) коммерциялық мәмілеге байланысты кредит беру, мысалы саудалық қаржыландыру сияқты; немесе

х) осы тармақтың а)-е) тармақшаларында жазылған активтерді қамтымайтын өзге ақшалай талаптар.

Активтерді инвестициялау немесе кері инвестициялау нысанындағы немесе құқықтарды кез келген өзгертулер олардың инвестициялар ретіндегі сипаттамасына қабылдаушы Ұағдаласушы Тараптың ұлттық заңнамасына және ережелеріне сәйкес жүргізілген шарттарда әсер етпейді.

2. «Инвестор» термині Ұағдаласушы Тарапқа қатысты:

- а) оның қолданыстағы ұлттық заңнамасына сәйкес осы Ұағдаласушы Тараптың азаматтығына ие жеке тұлғаны;
- б) осы Ұағдаласушы Тараптың ұлттық заңнамасына және ережелеріне сәйкес құрылған корпорация, серіктестік, траст, қоғам, бірлестік немесе кәсіпорын сияқты заңды тұлғаны білдіреді.

3. «Пайда» термині олар төленетін нысанға қарамастан, инвестициялардан түсетін пайданы білдіреді және капиталдың өсуінен түсімдерді, проценттерді, кірістерді, дивидендерді, роялтиді, сондай-ақ басқаруды, техникалық көмекті және басқа төлемдерді немесе оның түріне қарамастан, заттай нысандағы жарналар мен төлемдерді қамтиды, бірақ оларға емес.

4. «Аумақ» термині:

а) Қазақстан Республикасына қатысты - Қазақстан Республикасы ұлттық заңнамаға және халықаралық құқыққа сәйкес егемендігін, егеменді құқықтарын және заңдық құзыretін іске асыратын теніз түбін және оның жер қойнауын қоса алғанда, аумақтық жерді, ішкі супарды, аумақтық супарды (тенізді) және олардың үстіндегі әуе кеңістігін, аумақтық судан (тенізден) тысқары теніз аймағын;

б) Вьетнам Социалистік Республикасына қатысты - Вьетнам Социалистік Республикасы ұлттық заңнамаға және халықаралық құқыққа сәйкес теніз түбін және оның жер қойнауын қоса алғанда, егемендігін, егеменді құқықтарын және заңдық құзыretін іске асыратын аумақтық жерді, арапдарды, ішкі супарды, аумақтық тенізді және олардың үстіндегі әуе кеңістігін, аумақтық тенізден тысқары теніз аймағын білдіреді.

5. «Еркін айыrbасталатын валюта» термині Халықаралық валюта қоры келісімнің баптарына және оған түзетулерге сәйкес еркін пайдаланылатын валюта ретінде Халықаралық валюта қоры уақыт өткен сайын айқындалап отыратын валютаны білдіреді.

6. «Мемлекеттік мақсаттар» термині Ұағдаласушы Тараптардың әрқайсысының ұлттық заңнамасына сәйкес пайдаланылады.

## 2-бап

### Қолданылу саласы

1. Осы Келісім бір Ұағдаласушы Тараптың инвесторлары екінші Ұағдаласушы Тараптың аймағында осы Келісім күшіне енгеннен кейін жүзеге асырылған және қабылдаушы Ұағдаласушы Тараптың ұлттық заңнамасына сәйкес келетін инвестицияларға қолданылады.

2. Осы Келісім күшіне енгенге дейінгі әрекеттерден туындаитын инвестициялық дауларға немесе реттелген немесе сот немесе төрелік талқылау мәні болған инвестициялық дауларға осы Келісім қолданылмайды.

3. Осы Келісім мыналарға:

- а) салық салуға;
- б) мемлекеттік сатып алуға;
- с) Ұағдаласушы Тарап берген субсидияларға немесе гранттарға; және
- д) Ұағдаласушы Тараптың тиісті органы немесе ведомствоны мемлекеттік функцияларды жүзеге асыру үшін жеткізетін қызметтерге қолданылмайды. Осы Келісімнің мақсаттары үшін мемлекеттік функцияларды жүзеге асыру үшін жеткізілетін қызметтер бір немесе бірнеше қызметтерді жеткізушилөр коммерциялық емес негізде және бәсекелестік емес шарттарда жеткізетін кез келген қызметті білдіреді.

### **3-бап**

#### **Инвестицияларды көтермелеу және қорғау**

1. Әрбір Ұағдаласушы Тарап өз мемлекетінің аумағында екінші Ұағдаласушы Тараптың мемлекеті инвесторларының инвестицияларын көтермелейді және олар үшін қолайлыш жағдайлар жасайды әрі өз мемлекетінің ұлттық заңнамасына сәйкес мұндай инвестицияларды таниды.

2. Әрбір Ұағдаласушы Тараптар инвесторларының инвестициялары әділ және тең құқықты режимге үдайы ие және екінші Ұағдаласушы Тараптың аумағында толық қорғауды және қауіпсіздікті пайдаланады. Ұағдаласушы Тараптардың бір де біреуі өз аумағында екінші Ұағдаласушы Тарап инвесторларының өз инвестицияларын негізdemесіз немесе кемсітушілік шаралар немесе басқа қандай да бір тәсіл арқылы басқаруына, қызмет көрсетуіне, пайдалануына немесе иелік етуіне кедергі болмайды.

### **4-бап**

#### **Инвестициялар режимі**

1. Әрбір Ұағдаласушы Тарап бір Ұағдаласушы Тарап аумағында екінші Ұағдаласушы Тараптың инвесторлары жүзеге асырған инвестицияларды пайдалануға, басқаруға, қолдануға, сатуға немесе кез келген басқа иелік етуге қатысты кез келген үшінші мемлекет инвесторларының инвестицияларына осындай жағдайларда қолданылатынға қарағанда қолайлышты көмек емес режим ұсынады.

2. Осы баптың ережелері Ұағдаласушы Тараптардың біреуін екінші Ұағдаласушы Тарап инвесторларына мыналардың:

а) кез келген кеден одағының, экономикалық одақтың, еркін сауда аймағының, валюталық одақтың немесе экономикалық шарттың өнірлік және екі жақты басқа да нысандарын, сондай-ақ Ұағдаласушы Тараптың кез келгені тараптардың бірі болып табылатын немесе болуы мүмкін басқа да осындай халықаралық келісімдердің;

б) қандай да болмасын халықаралық, өнірлік немесе екі жақты келісімдердің немесе басқа да осыған ұқсас ұағдаластықтардың немесе салық салуға толық немесе негізінен қатысты қандай да болмасын ішкі нормативтік құқықтық актілердің нәтижесінде режим, преференциялар немесе артықшылықтар қолдануға міндеттемейді.

### **5-бап**

#### **Залалдарды өтеу**

Егер Ұағдаласушы Тараптардың бірінің инвесторы жүзеге асырған инвестициялар екінші Ұағдаласушы Тарап аумағында соғыстың, қарулы қақтығыстың, төтенше жағдайдың, көтерілістің, азаматтық толқулардың, бүліктің немесе басқа да осыған ұқсас жағдайлардың салдарынан шығын шексе, қабылдаушы Ұағдаласушы Тарап реституцияға, орнын толтыруға, өтеуге немесе басқа да орнын толтыру нысандарына қатысты өз инвесторларына немесе кез келген үшінші мемлекеттің инвесторларына ұсынатыннан инвесторлар үшін қай режимнің қолайлыштықтың қарай қолайлышты көмек режимді қамтамасыз етеді.

### **6-бап**

#### **Экспроприация**

1. Бір Ұағдаласушы Тарап мемлекеті инвесторларының инвестициялары ұлттық заңнамаға сәйкес және жылдам, барабар және тиімді өтеп мақсаттарда қабылданатын шаралардан басқа, екінші Ұағдаласушы Тарап мемлекетінің аумағында экспроприацияланбауы, ұлт меншігіне алынбауы немесе басқа түрде ұлт меншігіне алу немесе экспроприация (бұдан әрі - экспроприация) әсері

бар кез келген шараптарға ұшырамауы тиіс.

2. Өтемақы қайсысының бұрын басталуына қарай экспроприация өткізілетін күннің алдындағы қүнгі не экспроприация туралы жалпыға мәлім болғанға дейінгі экспроприацияланған инвестициялардың нарықтық құнына тең болуы тиіс. Мұндай өтемақы экспроприациялау күнінен бастап төлем күніне дейін нарықтық негізде белгіленген коммерциялық ставка бойынша процентті қамтуға тиіс. Өтемақы толық іске асырылатын және шектелмей әрі артық кідіртілмей еркін аударылатын болуға тиіс.

3. 1 және 2-тармақтардың ережелеріне қарамастан, жерді экспроприациялауға байланысты және экспроприациялаудың өзіне және өтемақы төлеуге қатысты кез келген шараптар инвестицияларды қабылдайтын Ұағдаласуши Тараптың ұлттық заңнамасы мен ережелеріне сәйкес болуға тиіс.

4. Экспроприациялаудан зардан шеккен бір Ұағдаласуши Тарап инвесторларының өзінің ісін екінші Ұағдаласуши Тараптың сот немесе басқа да тәуелсіз органдының тез арада қарауына, сондай-ақ олардың инвестицияларын осы бапта және экспроприациялайтын Ұағдаласуши Тараптың ұлттық заңнамасында жазылған принциптерге сәйкес бағалауға құқығы бар.

5. Ұағдаласуши Тарап оның ұлттық заңнамасына сәйкес құрылған және екінші Ұағдаласуши Тараптың инвесторының немесе инвесторларының акциялары, қатысу үлестері, облигациялары немесе басқа қатысу нысандары тіркелген компания активтерін экспроприациялаған жағдайларда осы баптың ережелері мұндай инвесторлардың осы компаниядағы акцияларына, қатысу үлесіне қолданылады.

## 7-бап

### Инвестицияларға байланысты төлемдерді аудару

1. Әрбір Ұағдаласуши Тараптың өз ұлттық заңнамасын сақтауы шартымен екінші Ұағдаласуши Тараптың инвесторларына өз аумағына және оның аумағынан төлемдердің еркін аударылымына, оның ішінде:

- а) жарғылық капиталды және инвестицияларды қолдау, басқару және дамыту үшін қосымша қаражатты;
- б) пайданы;
- с) келісімшарт, оның ішінде кредиттік келісімге сәйкес негізгі борыш амортизациясы мен төлеуге есептелген проценттер бойынша төлемдерді;
- д) 1-баптың 1-тармағының с) тармақшасында аталған құқықтар бойынша роялти мен төлемдерді;
- е) инвестицияларды толық немесе қандай да бір бөлігін сатудан немесе жоюдан түсken кірістерді;
- ф) инвестицияларға байланысты шетелдерден тартылатын персоналдың кірістері мен басқа да сыйақыларын;
- г) 5 және 6-баптарға сәйкес өтемақылар бойынша төлемдерді;
- х) дауларды шешуге байланысты төлемдерді аударуға кепілдік береді.

2. Әрбір Ұағдаласуши Тарап осы баптың 1-тармағында аталған аударымдарды инвестициялар жүзеге асырылатын аумақта аудару күні қолданыстағы сол Ұағдаласуши Тараптың нарықтық бағамы бойынша еркін айыrbасталатын валютамен жүргізуі қамтамасыз етеді.

3. 1 және 2-тармақтардың ережелеріне қарамастан, бір Ұағдаласуши Тарап төмендегілерге қатысты өз ұлттық заңнамасы мен ережелерін тең, кемсітпейтін және адал қолданудың негізінде аударымды болдырмауы немесе шектеуі мүмкін:

- а) банкроттық, төлем қабілетсіздігі немесе кредит берушілердің құқықтарын қорғау;
- б) шығарылым, бағалы қағаздармен, фьючерстермен, опциондармен немесе туынды қаржы құралдарымен сауда немесе операциялар;

- с) криминалдық немесе қылмыстық құқық бұзушылықтар және қылмыстық жолмен алынған кірістерді қайтару;
- д) құқық қорғау органдары мен қаржылық бақылау органдарына жәрдем көрсету үшін қажеттілігіне қарай ақша қаражаты қозғалысының қаржылық есептілігі мен есебін жүргізу;
- е) сот немесе әкімшілік процестердегі қаулылардың немесе шешімдердің сақталуын қамтамасыз ету;
- ф) салық салу;
- г) әлеуметтік қамсыздандыру, мемлекеттік зейнетақымен қамтамасыз ету немесе міндетті жинақтауши аударымдар; және
- х) қызметкерлердің демалыс жәрдемақылары.

## 8-бап

### Суброгация

1. Егер Ұағдаласуши Тарап немесе оның үекілетті органы (Өтеуші тарап) өтемақы міндеттемесіне немесе екінші Ұағдаласуши Тарап (Қабылдауши тарап) аумағындағы инвестицияларға қатысты өзіне қабылдаған кепілдіктерге сәйкес төлемдерді жүзеге асырса, Қабылдауши тарап:
  - а) Қабылдауши тараптың заңды ұлттық заңнамасы мен заң мәмілесіне сәйкес мұндай инвестициялардан туындағын барлық құқықтар мен талаптардың Өтеуші тарапқа берілетінін;
  - б) Өтеуші тараптың барлық осы құқықтарды жүзеге асыру және талаптарды өндіріп алу, сондай-ақ суброгацияға орай инвестицияларға байланысты барлық міндеттемелерді өзіне қабылдау құқығын мойындаиды.
2. Өтеуші тараптың кез келген жағдайларда:
  - а) құқықтар мен шағымдарға, сондай-ақ осы баптың [1-тармағында](#) аталған құқықтардың берілуіне орай осы Ұағдаласуши Тарап қабылдаған міндеттемелерге;
  - б) осы құқықтарға және аталған инвестицияларға қатысты осы Келісімге орай бастапқы инвесторға қандай құқықтар мен талаптарда ұсынылған болса, сондай шамаға тең талаптарға сәйкес алынған кез келген төлемдерге қатысты сондай режимнің ұсынылу құқығы бар.

## 9-бап

### Ұағдаласуши Тарап пен инвестор арасындағы дауларды шешу

1. Ұағдаласуши Тарап пен екінші Ұағдаласуши Тараптың инвесторы арасында инвестордың инвестицияларын басқаруға, жүргізуге, пайдалануға, сатуға немесе өзге иелік етуге байланысты және залалдар немесе инвестицияларға зиян келтіретін осы Келісім шенберінде осы инвестордың міндеттемелерін болжамды бұзуға қатысты туындағын кез келген құқықтық даулар бар мүмкіндігінше дау тараптары арасында келіссөздер арқылы бейбіт жолмен шешілуі тиіс.
2. Егер мұндай дау инвестор Ұағдаласуши Тарапқа жазбаша хабарлама жіберген күнінен кейін 6 (алты) ай ішінде реттелмесе, дау:
  - а) аумағында инвестициялар жүзеге асырылған Ұағдаласуши Тараптың құзыретті сотының;
  - б) 1965 жылғы 18 наурызда Вашингтонда жасалған Мемлекеттер мен басқа мемлекеттердің жеке немесе заңды тұлғалары арасындағы Инвестициялық дауларды реттеу туралы конвенцияға (бұдан әрі - Вашингтон конвенциясы) сәйкес құрылған Инвестициялық дауларды реттеу жөніндегі халықаралық орталықтың (бұдан әрі - Орталық); немесе
  - с) егер Ұағдаласуши Тараптардың біреуі ғана Вашингтон конвенциясының қатысушысы болып табылса, Орталықтың Қосымша қызметтеріне сәйкес Төреліктін;

немесе

d) егер дау тараптары өзгеше көздемесе, Біріккен Ұлттар Ұйымының Халықаралық сауда құқығы жөніндегі комиссиясының (ЮНСИТРАЛ) Төрелік регламентіне сәйкес құрылуы тиіс Арнайы төрелік соттың (ad hoc) қарауына берілуі мүмкін.

Инвестор жоғарыда көзделген кез келген рәсімдерге сәйкес дауды жібергеннен кейін мұндай таңдау түпкілікті болып табылады.

Нақтылау мақсатында осы Келісімнің мейлінше қолайлы режимі туралы ережелері осы Келісімде жазылғаннан басқа дауларды реттеу рәсімдерінің екінші Уағдаласуышы Тараптың инвесторларына қолданылуын өзіне қамтымайды.

3. Дауды 2-тармаққа сәйкес төрелік талқылауға ұсыну мұндай дауды осы Келісімге сәйкес міндеттемелердің бұзылуы туралы, сондай-ақ инвестор шеккен немесе инвестицияларға келтірілген залал немесе зиян туралы инвесторға белгілі болған немесе объективті белгілі болуға тиіс сәттен бастап 2 (екі) жыл ішінде төрелікке ұсынуға негізделген.

4. Төрелік сот өз шешімдерін осы Келісімнің ережелеріне, дауға қатысатын және аумағында инвестициялар жүзеге асырылған Уағдаласуышы Тараптың ұлттық заңнамасына және ережелеріне (оның ішінде құқық жанжалдары бойынша нормаларға), инвестициялар бөлігінде және халықаралық құқықтың тиісті принциптерімен жасалған кез келген арнайы келісімге сәйкес қабылдайды.

5. Бір де бір Уағдаласуышы Тарап төрелік талқылаудың кез келген сатысында не төрелік шешімді орындау ішінде қорғау мақсатында қарсы өтініштер енгізуге және екінші Уағдаласуышы Тарап инвесторы сақтаңдыруға немесе кепілдік шартқа сәйкес басқа да барлық немесе қандай да бір болжамды шығасыларға қатысты өтемақыны немесе басқа өндіріп алуды алғандығын немесе алатындығын көрсетуге құқығы жоқ.

6. Осы бапқа сәйкес шығарылған кез келген төрелік шешім даудың екі тарапы үшін де түпкілікті және міндетті болып табылады және төрелік шешім орындалатын аумақтағы Уағдаласуышы Тарап мемлекетінің ұлттық заңнамасына сәйкес орындалуы тиіс.

## 10-бап

### Уағдаласуышы Тараптар арасындағы дауларды шешу

1. Уағдаласуышы Тараптар осы Келісімді түсіндіруге немесе қолдануға қатысты кез келген дауды мүмкіндігінше консультациялар немесе басқа дипломатиялық арналар арқылы шешеді.

2. Егер дау Уағдаласуышы Тараптардың бірі консультациялардың басталғаны туралы жазбаша сұрау салуды дипломатиялық арналар арқылы жіберген күннен кейін алты ай ішінде реттелмесе, онда, егер Уағдаласуышы Тараптар жазбаша нысанда өзге туралы уағдаласпаған болса, кез келген Уағдаласуышы Тарап екінші Уағдаласуышы Тарапқа дипломатиялық арналар арқылы жазбаша хабарлау жолымен бұл дауды осы баптың келесі ережелеріне сәйкес арнайы төрелік соттың қарауына ұсына алады.

3. Төрелік сот мынадай түрде қалыптасады: әрбір Уағдаласуышы Тарап бір мүшени тағайындаиды және осы екі мүше қандай да болсын үшінші елдің азаматы болып табылуы тиіс және екі Уағдаласуышы Тарап тағайындаитын төрелік соттың Төрағасын келіседі. Екі мүше екі ай ішінде және Төраға Уағдаласуышы Тараптардың бірі екінші Уағдаласуышы Тарапқа дауды арнайы төрелік соттың қарауына беру ниеті туралы жазбаша хабардар еткен күннен бастап төрт ай ішінде тағайындалуға тиіс.

4. Егер 3-тармақта көрсетілген мерзімдер сақталмаса, кез келген Уағдаласуышы Тарап қандай да бір басқа уағдаластық болмаса, БҰҰХалықаралық Сотының Төрағасына қажетті тағайындаулар жүргізуді ұсына алады. Егер БҰҰХалықаралық Сотының Төрағасы Уағдаласуышы Тараптардың бірінің азаматы болып табылса немесе егер ол қандай да бір түрде көрсетілген функцияларды орындауға қабілетсіз болса, онда қажетті

тағайындауларды жүзеге асыру үшін БҮҰХ Халықаралық Сотының вице-президенті шақырылады. Егер БҮҰХ Халықаралық Сотының вице-президенті Уағдаласуши Тараптардың бірінің азаматы болып табылса немесе егер ол да көрсетілген функцияларды орындауға қабілетсіз болса, БҮҰХ Халықаралық Сотының Уағдаласуши Тараптардың ешбірінің азаматы болып табылмайтын, лауазымы жағынан келесі мүшесі қажетті тағайындауларды жүргізуге шақырылады.

5. Төрелік сот өзінің шешімдерін көпшілік дауыспен қабылдайды. Мұндай шешім осы Келісімге, халықаралық құқықтың танылған, қолданыла алатын нормаларына сәйкес қабылдануы тиіс және Уағдаласуши Тараптардың екеуі үшін де түпкілікті әрі міндетті болуға тиіс. Әрбір Уағдаласуши Тарап төрелік соттың өзі тағайындаған мүшесінің шығыстарын, сондай-ақ төрелік талқылаудағы өкілдік шығыстарын мойнына алуға тиіс. Төрағаның шығыстарын, сондай-ақ төрелік талқылауға байланысты кез келген басқа да шығыстарды екі Уағдаласуши Тарап тендей үlestерде көтереді. Алайда төрелік сот өз қалауы бойынша Уағдаласуши Тараптардың әрқайсысы үшін үlestерді айқындауы мүмкін. Басқа барлық қатынастарда төрелік сот өзінің меншікті рәсімдерін айқындаиды.

## 11-бап Күшіне енуі

Осы Келісім оның күшіне енуі үшін қажетті мемлекетішілік рәсімдерді Уағдаласуши Тараптардың орындағаны туралы дипломатиялық арналар арқылы соңғы жазбаша хабарлама алынған күнінен бастап 30 (отыз) күн ішінде күшіне енеді.

## 12-бап Қолданылу мерзімі және бұзу

1. Осы Келісім 10 (он) жыл мерзімге жасалады, ол аяқталған соң белгісіз мерзімге өздігінен ұзартылады.

2. Кез келген Уағдаласуши Тарап осы Келісім күшіне енген күнінен бастап 10 (он) жыл өткен соң оның қолданылуын тоқтата алады. Бір Уағдаласуши Тарап Келісімнің мерзімін тоқтату ниеті туралы дипломатиялық арналар арқылы екінші Уағдаласуши Тараптың жазбаша хабарламасын алған күнінен бастап бір жыл өткен соң Келісімнің қолданылуы тоқтатылады.

3. Осы Келісімнің қолданылуын тоқтатқан күнге дейін жүзеге асырылған инвестицияларға қатысты осы Келісімнің басқа барлық баптарының ережелері ол тоқтатылған күннен бастап 10 (он) жыл бойы әрекет етуін жалғастырады.

Осыны қуәландыру үшін өздерінің Үкіметтері тиісті түрде уәкілеттік берген төменде қол қоюшылар осы Келісімге қол қойды.

Астана қаласында 2009 жылғы 15 қыркүйекте әрқайсысы қазак, вьетнам, орыс және ағылшын тілдерінде екі данада жасалды әрі барлық мәтіндердің бірдей күші бар. Осы Келісімнің ережелерін қолдану және түсіндіру кезінде даулар туындаған жағдайда Уағдаласуши Тараптар ағылшын тіліндегі мәтінге жүгінетін болады.

*Қазақстан Республикасының Үкіметі үшін*      *Вьетнам Социалистік Республикасының Үкіметі үшін*

2009 жылғы 15 қыркүйекте Астана қаласында қол қойылған Қазақстан Республикасының Үкіметі мен Вьетнам Социалистік Республикасының Үкіметі арасындағы Инвестицияларды көтермелеу және өзара қорғау туралы келісімнің күәландырылған көшірмесі екендігін растаймын.

*Қазақстан Республикасы  
Сыртқы істер министрлігі*

Халықаралық құқық департаментінің  
Басқарма бастығы

Б. Пискорский